

# TOSHKENT HAQIQATI

2023-yil  
8-fevral  
CHORSHANBA  
№ 3 (13562)

1928-yil 11-dekabrda asos solingan

@haqiqatonline

Haqiqat online

haqiqatonline\_

## Кун тартиби

### ЖАМОАТ ТРАНСПОРТИДА УЗИЛИШЛАР БЎЛМАЙДИ(МИ?)

Чирчиқ шаҳрида вилоят ҳокими Зойир Мирзаев иштирокида Тошкент вилояти марказларида жамоат транспортини ривожлантириш, жойларда фаолиятини тўхтатган автобус йўналишларини қайта тиклаш, бекатлар етишмаслиги масалаларини ҳал этиш юзасидан "Йўл харитаси" ишлаб чиқиш борасида йиғилиш бўлиб ўтди.

Қайд этиш лозимки, айна пайтда Тошкент вилоятида бир кунда ўртача 140 минг нафар фуқаро жамоат транспортдан фойдаланмоқда. Бу бир ойда ўртача 4 млн. 200 минг нафар йўловчи демакдир.

Вилоят раҳбари таъкидлаганидек, транспорт корхоналари "кунлик тушум плани"ни бажариш мақсадида куннинг "энг даромадли", тизим пайтида бетартиб ҳаракатланиши йўловчиларга хизмат кўрсатиш сифати пайсийи ҳамда ноқонуний таксилар фаолиятига эҳтиёж ортишига сабаб бўлмоқда.

Бунинг учун биринчи навбатда соҳани молиялаштириш, автобус йўналишларини ташкил этиш, автопаркларни янгилаш ва инфратузилмани такомиллаштириш бўйича аниқ тадбирлар ишлаб чиқиш, муаммоларни зудлик билан ҳал қилиш чоралари белгиланди.

Йиғилишда вилоят транспорт бошқармаси бошлиғи С. Шоқосимов Ангрен, Олмалик, Чирчиқ шаҳарларида йўналишларни мақбуллаштириш, транспортлар қатновидидаги оралиқ жадвалларини қайта кўриб чиқиш, шунингдек, вилоят ҳудудида 150 та автобусга талаб борлиги сабабли экспресс автобусларни харид қилиш ҳамда уларни автоматлаштирилган тизимга ўтказиш, "Автошоҳбекат"лар фаолиятини такомиллаштириш тақдирларини билдирди.

Йиғилиш сўнггида йил якунига қадар соҳа вакиллари ва ЙХХБ ходимларига барча автобус йўналишларини аҳоли эҳтиёжини ҳисобга олган ҳолда қайта кўриб чиқиш, ҳамкорликда "Йўл харитаси" ишлаб чиқиш вазифаси топширилди.

Тошкент вилояти ҳокимлиги Ахборот хизмати

## ИМПОРТНИ ЭКСПОРТГА АЙЛАНТИРГАН КОРХОНА



Республика мизда рақобат бардош маҳсулотлар ишлаб чиқариш ва экспорт қилиш бўйича барқарор ўсиш суръатларини таъминлаш, шунингдек, қурилиш мате-

риаллари саноати корхоналарини модернизация қилиш, техник ва технологик янгилашга қаратилган таркибий ўзгартиришларни янада чуқурлаштириш юзасидан тизимли ишлар амалга оширилмоқда. Бугун юртимизда бунёдкорлик жараёни авж олган вақтда, албатта, ўз-ўзидан қурилиш учун зарур асбоб-ускуналарга талаб янада ортиши табиий.

Юқори Чирчиқ туманида фаолият юритаётган "Neo story invest" масъулияти чекланган жамияти шу талабни қондиришга ўз ҳиссасини кўшиб келмоқда. (Давоми 2-саҳифада) ▶

## Алишер Навоий таваллудининг 582 йиллигига



## НАВОИЙНИ ОТАСИ

Алишер Навоийнинг бевосита таржимаи ҳоли билан боғлиқ масалаларни ўрганиш бўйича кўп ишлар қилинган бўлса-да, ҳозиргача ҳам навоийшунослигимизнинг энг оқсоқ соҳаси бўлиб турибди.

Бунинг ҳам объектив, ҳам субъектив сабаблари бор.

Объектив сабаб шуки, биринчидан, ордан шунча асрлар ўтгани учун бу ўта мураккаб вазифа бўлиб қолган, иккинчидан, у даврларда бундай улғу шахс ҳаёти ҳақида ҳар қим ҳам ёзавермаган, учинчидан, бу борада шоир даврида яратилган жуда кўп манбаларни титқиллашга тўғри келади.

Субъектив сабаб шуки, ҳозирча ҳеч бир тадқиқотчи ўзини маҳсулан шу соҳанинг мутахассисига айлантиришга чоғланганича йўқ.

Лекин шу нарса ҳақиқатки, Навоий таржимаи ҳолини ўрганишнинг энг асосий ва ишончли манбаси – унинг ўзи ёзган асарлар.

Шоир таржимаи ҳолини ёритишда унинг отанаси ҳақидаги маълумотлар муҳим масала ҳисобланади. Навоийдек буюк инсонни тарбиялаб, вояга етказган бу табарруқ зотлар ҳақида ҳам, аввало, унинг ўзи ёзган кетган сўзларга эътибор қилишимиз керак.

Мутафаккирнинг авлиёлар ҳаёти ва фаолияти ҳақида битилган "Насойим ул-муҳаббат мин шамойим ул-футууват" таъкирасида, жумладан, отаси ҳақида қимматли маълумотта дуч келамиз.

4

## ВИЛОЯТ БЎЙЛАБ

**ТОШКЕНТ** вилояти ҳокими Зойир Мирзаев ташаббуси билан ҳудудларда суист ишлаётган ҳоким ёрдамчилари илғор маҳаллаларга тажриба алмашиш учун юбориладиган бўлди. Жумладан, Бўстонлик туманидан бир гуруҳ ҳоким ёрдамчилари масъуллар бошчилигида Ўрта Чирчиқ тумани маҳаллаларида тажриба орттиришди.

**БЕКОбОД** шаҳридаги «Ўзметкомбинат» АЖга қарашли мактабга таълим бўлимининг барча муассасаларида катта ёшдаги тарбияланувчилар ўртасида «Ёш истеъодлар» кўрик-танлови ўтказилди. Тадбирда болаларнинг ижроси билан бирга тарбиячиларнинг ишлари ҳам баҳоланди.

**ОЛМАЛИҚ** шаҳридаги 1-ихтисослаштирилган давлат умумтаълим мактабида «Жаҳолатга қарши маърифат» мавзuida давра суҳбати бўлиб ўтди. Унда ёшларни миллий ва умуминсоний қадриятлар руҳида тарбиялаш, уларни «оммавий маданият»нинг иллатлари таъсирдан ҳимоялаш мавзуларида маърузалар тингланди.

**БЎКА** туманида «Қишлоқ хўжалиги ходимлари саломатлиги ойлиги» доирасида чуқурлаштирилган тиббий кўрик ўтказилди. Кўрик давомида тиббиёт ходимлари қишлоқ хўжалиги тармоқларида меҳнат қилувчи аҳолига соғлом турмуш тарзига риоя этиш, саломатликни асраш тўғрисида тушунтиришлар беришди.

## Таассуф

### “ОФРИҚЛИ НУҚТА”га нуқта қўйиш шарт

Бугун мактабларда билим бериш даражасини тубдан ошириш лозимлиги борасида кўплаб мунозаралар ўртага ташланмоқда. Давлатимиз раҳбари ҳам бу масалани ёшлар сиёсатининг энг устувор йўналиши сифатида қайта-қайта кун тартибига қўймоқда. Бир ижодкор сифатида бу ёндошувни нафақат қўллаб-қувватлайман, балки уни объектив зарурат, деб ҳисоблайман. Негаки, ўзим бевосита иштирокчи бўлган мана бу ҳолатдан жуда қаттиқ ташвишга тушганман ва ҳамон шунинг оғриқларини ич-ичимдан ҳис қилиб яшайман...



Ўтган йили Журналистика университетида ҳужжат топширилган абитуриентларни суҳбат асосида саралаб олишга ёрдам бериш учун мен каби 30 га яқин журналистни эксперт сифатида чақирди.

Мен ўзимнинг суҳбатимдан ўтган йилгит-қизларни 3 тоифа-

га бўлган бўлардим. Биринчиси – ҳақиқатда кучли, билимли битирувчилар. Абитуриентлар орасида бундай болалар ҳам бор ва мен уларга, уларнинг ота-онаси, устозларига раҳмат айтаман.

(Давоми 2-саҳифада) ▶

## Мутахассис билан суҳбат

### СИНОВЛАРДА СИНМАГАН



2

### ЗИЛЗИЛА қандай прогноз қилинади?

Куни кеча Туркия ва Сурияда содир бўлган кучли зилзила ортидан яна 6 та давлат Ливан, Иордания, Исроил, Грузия, Арманистон ва Афғонистонда қайд этилган ер қимирлаши одамларни саросимага солиб қўйди. Айниқса, юртимиздаги кўп қаватли биноларда яшовчи инсонларнинг ҳавотирлари ортди. Хўш, Ўзбекистонда кучли зилзила содир бўлиш эҳтимоли борми? Ўзбекистон Фанлар академияси сейсмология институтининг илмий ишлар бўйича директор ўринбосари Воҳидхон Исмоилова шу каби саволлар билан мувожаат қилдик.

2



## Бир номдаги ИККИ ШАҲАР



3

# ИМПОРТНИ ЭКСПОРТГА АЙЛАНТИРГАН КОРХОНА

2019 йилда ташкил этилган корхонада Хитой технологияларидан фойдаланган ҳолда биноларни пардозлашда ишлатилган 30 турдаги асбобларни турпи шакл ва ўлчамда ишлаб чиқариш йўлга қўйилган. Махсулотнинг 80 фоизи ички бозорга йўналтирилмоқда. 120 кишилик меҳнат жамоасининг аксариятини аёллар ташкил этади.

Жамият йилдан йилга ишлаб чиқариш қувватини ошириб, иш жараёнига янги технологияларни жорий этиб келмоқда. Мисол учун, неча йиллардан бери бўёқчиликда ишлатиладиган валик асбоби- (Давоми. Бошланиши 1-саҳифада)



тирилиб, уни ишга тушириш учун хитойлик мутахассислар жалб этилди. Натижада маҳсулотнинг импорти қисқарди ва таннархи сезиларли даражада арзонлашди.

Эътиборлиси, корхона махсулотлари нафақат ички бозорга, балки яқин қўшни давлатларга ҳам чиқаришмоқда. Хусусан, Тожикистон, Қирғизистон, Қозоғистон ва Россия давлатлари асосий харидор бўлмоқда. Айни пайтда Озарбайжон давлати билан ҳам ҳамкорлик қилиш

нинг матоси Хитойдан келтирилар эди. Эндилкида эса ушбу маҳсулотни маҳаллийлаштириш мақсадида корхонага 2 та мато тўқувчи ускуна кел-

тирилди, уни ишга тушириш учун хитойлик мутахассислар жалб этилди. Натижада маҳсулотнинг импорти қисқарди ва таннархи сезиларли даражада арзонлашди.

бўйича келишувлар олиб борилмоқда. Корхона иш бошқарувчиси Шўҳрат Музаффаровнинг айтишича, яқин кунларда яна 2 та янги маҳсулот, яъни деворларга травертин билан ишлов беришда ва гипсокартоннинг уланган жойларини ёпишда ишлатиладиган скотч ишлаб чиқариш ҳам йўлга қўйилади. Натижада иш ҳажми кенгайиб, қўшимча иш ўринлари яратилади.

**Нозима РАСУЛОВА**  
Тошкент ҳақиқати/  
Жалопиддин ЭСОНОВ  
олган суратлар

## Орамиздаги одамлар УМРИНИ ТАЪЛИМГА БАҒИШЛАГАН УСТОЗ

Муаллимлик – буюк ва тенгсиз мақом. Бу ҳақда айтилмаган мақол ва маталлар, шеър ва қўшиқлар қолмаган. Шарафли касби ортидан эл ичида ҳурмат-эътибор топган устозлар кўп. Улар тўғрисида сўзлаш, ибратли фаолиятига назар солиш ёшлар учун ўзига хос маҳорат дарси бўлса, ажаб эмас.



Оққўрғон туманилик Раимқул Сарибоев бутун умрини педагогика соҳасига, таълим-тарбияга бағишлади. У 1976 йилда Тошкент давлат чет тиллари институтини тамомлагандан то ҳозирги кунга қадар кўплаб шогирдлар етиштирди. Дастлаб, 1976-81 йилларда Оққўрғон туманидаги 10-мактабда ўқитувчи, 1981-84 йилларда тумандаги 189-сон хунар-техника билим юртида ректор ўринбосари, 1984-90 йилларда ЎзКП туман бўлимида йўриқчи, кейинроқ 1990-92 йилларда 43-мактабда директор вазифаларида ишлади. 1993 йилдан то бугунгача тумандаги 8-мактабда инглиз тилидан дарс бериб келмоқда. Шунингдек, Раимқул ака 1998-2000 йилларда ушбу мактабда илмий бўлим мудири, 2000-2003 йилларда эса мактаб директори бўлди ва туман таълимига ўзининг салмоқли ҳиссасини қўша олди.

каси. Раимқул Сарибоев ҳам маҳоратли устоз ва намунали оила соҳиби. Умр йўлдоши Ҳавохон Сарибоева туман марказий кутубхонасида узоқ йиллар ишлаб, катта-кичикка зиё тарқатган. Уларнинг қизлари отаси каби педагог.

Албатта, ҳар бир устоз-муаллим малакали давомчиси бўлишини истади. Раимқул ака ҳам инглиз тили бўйича савияли педагог шогирдлар тайёрлаб улгурган. Улардан Махлиё Сафарова Низомий номидаги Тошкент давлат педагогика университетида, Шаҳноза Тангирова Американинг Вебстер университети Тошкент филиалида, Шоҳида Турсунова Ўзбекистон давлат жаҳон тиллари университетида, Муқаддас Турсунова эса Бирлашган Араб Амирикларидан инглиз тилидан таълим бериб келишмоқда.

Шу кунларда Раимқул Сарибоев кўтуғу 70 ёшини нишонламоқда. Биз шу ёшда ҳам ҳормай-толмай ўқувчиларга сабоқ бериб келаётган устоз-муаллимга: "Илм-маърифат улашишдан сира чарчаманг, умрингиз узоқ бўлсин", деб тилак билдираемиз.

**Отабек ЙЎЛДОШЕВ**  
Оққўрғон тумани

## Яхши хабар ТИББИЙ МАЪЛУМОТНОМА ЭЛЕКТРОН ШАКЛДА

Президентимизнинг "2022-2026 йилларга мўлжалланган Янги Ўзбекистоннинг тарақиёт стратегиясини "Инсонга эътибор ва сифатли таълим йили"да амалга оширишга оид Давлат дастури тўғрисида"ги жамоатчилик муҳокамага қўйилган фармони лойиҳасида аҳолига бирламчи тиббий хизматларни яқинлаштириш ва уни сифатли тиббий хизматлар билан таъминлаш, касалликларни эрта босқичда аниқлаш, беморларга қўшимча қулайликлар яратиш чоралари белгиланди.

Жорий йилда 30 та оилавий поликлиника, 110 та оилавий шифокорлик пункти ва 520 тагача ихчам маҳалла тиббиёт пункти ташкил этилиши кўзда тутилган.

Вақтинча меҳнатга лаёқатсизлик варақалари ва бошқа тиббий маълумотномалар берилиши босқичма-босқич электрон шаклга ўтказилади.

Бунда вақтинча меҳнатга лаёқатсизлик варақалари ва бошқа тиббий маълумотномалар Навоий ва Сирдарё вилоятларида – 2023 йил 1 июлдан бошлаб, Тошкент шаҳри, Тошкент ва Са-

марқанд вилоятларида – 2023 йил 1 октябрдан бошлаб, республиканинг бошқа ҳудудларида – 2024 йил 1 январдан бошлаб электрон шаклга ўтказилади.

2024 йил 1 январдан бошлаб тиббий маълумотномалар қоғоз шаклда талаб қилинмайди.

2023 йил якунига қадар ногиронлиги бўлган шахсларни амбулатор ва стационар шарафидан бепул тиббий-ижтимоий реабилитация чоралари билан қамраб олиш кўлами 30 минг нафарга етказилиши кўзда тутилмоқда.

ЎЗА

## "ОҒРИҚЛИ НУҚТА"га нуқта қўйиш шарт

Иккинчиси – ўртамайналар. Бундай болалар ҳам бор. Учинчиси эса мени жуда қаттиқ хафга қилган билимсиз болалар тоифаси.

Афсуски, абитуриентлар орасида ана шу учинчи тоифадаги битирувчилар жуда кўп. Улар энг оддий саволларга ҳам жавоб бера оlishmayпти. Бу фақат менинг фикримкин, дея бошқалар билан ҳам гаплашиб кўрдим. Йўқ, ҳаммининг фикри шундай. Улар ҳам нолияпти битирувчилардан.

Бизга абитуриент билан қайси йўналишларда гаплашиш, билимини синаш бўйича йўриқнома берилганди. Саволларда шу йўриқномадан келиб чиқдик. Уларга мураккаб саволлар берганимиз йўқ.

Афсуски, ёшларимизнинг катта қисми шу элементар саволларга ҳам жавоб беролмайпти. Уларнинг дунёқарашини жуда тор. Баъзи абитуриентлар кирсам кирарман, бўлмаса, йўқ, қабилида ҳужжат топширишган. Уларда юрак ёнмаяпти.

Эй, барака топкур, сен журналистикага, халқаро журналистикага келаясан-ку, нега бундай бепарқасан, нега бунча билимсизсан? Айни шу билим деган жойига мисол келтираман. Абитуриентлардан бирига Ўзбекистоннинг қайси давлатлар билан чегарадош экани ҳақида савол бердим. Ҳар тугул Қозоғистон ва Тожикистонни санади. Кейин тўхтаб қолди. Унга ёрдам берай, деб Туркменистонни ўзим айтдим. У эса "Устоз, ҳазиллашасизми, Туркменистон бизга чегарадош эмас-ку", дейди.



Ёки бошқасига худди шу саволни бериб, ёрдам учун биттаси Сурхондарёга чегарадош давлат (Афғонистон назарда тутилмоқда – тахр) десам: "Домла, куляяси, давлатлар вилоят билан чегарадош бўлмайди-ку", дейди.

Ёки бир нечта абитуриентдан болажоним, Марказий Осиёдаги майдони ва аҳолиси бўйича энг катта давлатларни айтинг, деб сўрадим. Йўқ, жавоб беришолмади. Мактабда базавий билим йўқ.

Мен улардан ҳали Ўзбекистоннинг ички, ташқи сиёсати ҳақида сўрамадим. Битирувчиларимизда география, тарих, сиёсат, адабиёт бўйича билим жуда паст. Бу мени қаттиқ хафга қилди.

Мен эътибор берган яна бир жиҳат бор. Фақат ўқувчилар буни маҳаллийчилик, дея қабул қилмади. Чунки ўзининг онам хоразмлик бўлса, отам тошкентлик.

Масала шундаки, вилоятлик болалар билан тошкентлик болаларнинг билим даражаси ўртасида сезиларли фарқ бор. Тошкентлик болаларни қандайдир нўноқ дейимизми, бошқам, ишқилиб, улар сиёсий билим жиҳатидан жуда орқада қолган. Бундан хафга бўлиб, ёнимдаги шерикларимга савол бердим, шаҳарлик болаларда қорин тўқроқмикан, нега улар бунча нўноқ, деб.

Йўқ, мактабларда билим беришни бундай давом эттириб бўлмайди.

**Қобилбек КАРИМБЕКОВ,**  
сиёсий шарҳловчи

## Пискентлик Дилмурод Жабборов хонадонини маиший техникаларни таъмирлаш устахонасига айлантирган. 39 ёшли Дилмурод 1-гурӯх ногирони бўлишига қарамай, рўзгорини тебратяпти. Ҳайратланарлиси, у қўллари билан эмас, тили ва тишлари билан маиший техникалар – телефон ва телевизорларни таъмирлайди. Имконсизликдан имкон топаётган Дилмурод кимгадир қарам бўлишни хоҳламайди. У қўл-оёқларисиз ҳам оиласига фойдаси тегиши мумкинлигини исботламоқда.

– Ҳаракатланиш имкониятим чекланган бўлсада, техникага қизиқардим, – дейди Дилмурод ака. – Бора-бора қўл-оёқларимдаги нуқсон ҳам тўсиқ бўла олмади. Бошида ота-онам тоқ уради, деб электр билан ишлашимга қарши бўлишди. Лекин, уларни кўндирдим. Ахир мен ҳам оиламга, яқинларимга ёрдам беришим керак.

Машаққатли меҳнатнинг баҳоси эса ойига 2 миллион сўмдан кам эмас экан. Кўпроқ ишласа 3 миллион ҳам топади. Аммо уста кўпроқ сифатга эъти-

## СИНОВЛАРДА СИНМАГАН



бор қаратади. Мижозлар ҳам бегона эмас. Қариндош-уруғ, қўни-қўшнилари, хуллас, бутун маҳалла аҳли унинг доимий мижозлари.

Дилмурод аканинг шогирдлари ҳам бор. Уч йигитга хунарини ўргатмоқда, улар ҳам ойига 1 миллион сўмдан кўп даромад топишмоқда.

Кун давомида тишлар қорайсада, кўнгилда заррача ғубор йўқ, у турмушдан мамнун. "Қийин бўлса ҳам ўрнимдан силжий олганим, тишларимда бўлса ҳам пул топиб, оиламга

Матонат

Ақобир МИСАРАЛИЕВ

# ЗИЛЗИЛА қандай прогноз қилинади?

– Туркиядаги зилзилани мутахассислар қандай баҳолашяпти?

– Ҳозирги кунда Туркияда содир бўлган зилзила Ер қуррасида бир йилда бир марта кузатилади. Ер қимирлашининг кучини баҳолаш бўйича Россия Фанлар академияси магнитудаси 8, америкалик мутахассислар эса 7,8 деб маълумот берапти. Бундай кўрсаткичи зилзилалар Ер қуррасида жуда катта фожиа ҳисобланади.

Ўзбекистон ҳудудидида 1984 йилда энг кучли Газли зилзиласи содир бўлган. Унинг магнитудаси 7,4 ва ер юзасидаги талафотлари бўйича жадаллиги 9 – 10 баллни ташкил этган. Бу охириги 50 йил ичида республикамиздаги энг талафотли зилзила ҳисобланади.

– Айни пайтда фуқароларни бир савол ташвишга соляпти: шу кунларда юртимизда ҳам кучли зилзила содир бўлиши мумкинми?

– Ҳар ҳафта Фавқулодда вазиятлар вазирлиги таркибидида Республика Сейсмопрогностик мониторинг маркази ва Сейсмология институтининг мутахассислари билан ҳамкорликда республикамиз ҳудудидидаги сейсмик ҳолатни баҳолаш комиссияси иш олиб боради. Прогноз комиссияси берган маълумотларга қараганда шу ҳафтада юртимизда кучли зилзилалар содир бўлмайди.

(Давоми. Бошланиши 1-саҳифада)

– Ер қимирлаши қандай прогноз қилинади?

– Уч турдаги прогноз амалга оширилади. Узоқ муддатли прогноз 10 ва ундан ортиқ йилларда содир бўлиши кузатилаётган, ўрта муддатли – бир йил давомида ва қисқа муддатли – бир ой ичида бўладиган зилзилалар. Институтимиз мутахассислари асосан қисқа ва ўрта муддатли зилзилаларни прогноз қилиш билан шуғулланишади. Шунингдек, узоқ муддатлар ичида содир бўладиган сейсмик хавфларни баҳолаш илмий йўналишлари ҳам мавжуд.

– Зилзилани келтириб чиқардиган сабаблар ҳақида тўхталсангиз?

– Ер қимирлашининг сабаблари ер қобиғидида тектоник ёриқлар бўйича плиталарнинг ҳаракатига боғлиқ. Тектоник плиталарнинг йўналиш ҳаракатлари ҳар хил бўлгани сабабли бир-бири билан тўқнашиш натижасида ер қаърида кучланишлар вужудга келади. Натижада, қайсидир плитада кучланиш кўпайиб кетса, ер ёрилишига олиб келади. Ер ёрилишидан пайдо бўлган қайишқоқ тўлқинлар зилзилани содир қилади.

– Кўп қаватли биноларнинг зилзилага бардошлилиги нималарга боғлиқ?

– Бу турлича омиллаларга боғлиқ. Албатта, юқори қаватли бинолар сейсмик таъсирга кучли қилиб қурилади. Масалан, Токиода аксарият бинолар 60-70 қаватдан иборат. У

ерда Ўзбекистондан ҳам кучли зилзилалар бўлиш эҳтимоли юқори. У ердаги бинолар сейсмик таъсирга жавоб берадиган иншоотлар ҳисобланади. Биноларнинг ер қимирлашига бардош бериши асосан сейсмик мустаҳкам лойиҳалаштирилганига боғлиқ. Агар қурилиш пухта, сейсмик мустаҳкам бўлса, бино ҳар қандай зилзилага бардош беради.

Тошкентда ҳам баландлиги 253 метрдан иборат 52 қаватли бино қурилмоқда. У ҳар томонлама сейсмик мустаҳкам қурилиш меъёрларига мос равишда лойиҳалаштирилган. Юртимизда сейсмик ҳудудларда қурилиш меъёрлари 2019 йилда қайтадан кўриб чиқилди. Тошкентда қурилган баландлиги юқори бўлган биноларнинг ҳар биттаси ўзига яраша сейсмик маълумотлар билан таъминланган.

Ҳозирги кунда Фавқулодда вазиятлар вазирлигининг республика сейсмопрогностик мониторинг маркази томонидан ҳар ҳафта доимий кузатувлар олиб борилмоқда. Юртимизда 60 га яқин сейсмологик ва 30 га яқин пунктларда магнит майдонларнинг ўзгаришини ўрганивчи станциялар ҳамда 20 дан ортиқ ер ости сувлар таркиби ўзгариши-

ни тадқиқ қилувчи пунктлар мавжуд бўлиб, улардан олинган маълумотларга асосланган ҳолда ўз қарашларимизни бериб бораемиз.

– Зилзила содир бўлганда нималарга эътибор бериш керак?

– Энг аввало, зилзилага актив тайёргарлик кўриш керак. Ўзимиз қурадиган биноларнинг ҳам сейсмик бардошлилигига эътибор беришимиз шарт. Пяхса ёки гуваля, хом ёшдан қурилган биноларнинг том қисмларини енгил қилиш зарур.

– Энг аввало, зилзилага актив тайёргарлик кўриш керак. Ўзимиз қурадиган биноларнинг ҳам сейсмик бардошлилигига эътибор беришимиз шарт. Пяхса ёки гуваля, хом ёшдан қурилган биноларнинг том қисмларини енгил қилиш зарур.

– Энг аввало, зилзилага актив тайёргарлик кўриш керак. Ўзимиз қурадиган биноларнинг ҳам сейсмик бардошлилигига эътибор беришимиз шарт. Пяхса ёки гуваля, хом ёшдан қурилган биноларнинг том қисмларини енгил қилиш зарур.

– Энг аввало, зилзилага актив тайёргарлик кўриш керак. Ўзимиз қурадиган биноларнинг ҳам сейсмик бардошлилигига эътибор беришимиз шарт. Пяхса ёки гуваля, хом ёшдан қурилган биноларнинг том қисмларини енгил қилиш зарур.

– Энг аввало, зилзилага актив тайёргарлик кўриш керак. Ўзимиз қурадиган биноларнинг ҳам сейсмик бардошлилигига эътибор беришимиз шарт. Пяхса ёки гуваля, хом ёшдан қурилган биноларнинг том қисмларини енгил қилиш зарур.

**Нигора РАҲМОНОВА**  
(ЎЗА) суҳбатлашди



# Бир номдаги ИККИ ШАҲАР

Этибор бериб қаралса, айрим ажнабий сўзлар қон-қонимизга шу қадар сингиб кетганки, уларсиз фикримизни тўлиқ ифода этолмайдигандекмиз. Нега? Бунга сабаб, собиқ тузумнинг тилимизга етказган ғайрихитийрий аломатлари бўлса керак. Ҳа, айнан. Чунки ҳозиргина ча собиқ даврни кўрган айрим миллатдошларимизнинг исм-шарифи шахсни тасдиқловчи гувоҳномага буткул бошқа товушлар билан муҳрланган эди. Бунгаку, янги ислохотлар сабаб барҳам берилди ва жиндай ҳафсала қилган киши асл исми рисоладагидек қайд этилган ҳужжат билан таъминланмоқда. Бироқ, айрим атамалар ўз ҳолича қолди:

Мухокама учун мавзу



ганидан ҳам озми-кўпми хабардоримиз. Энди тасаввур қилинг, Ангрена сармоя киритаётган хорижлик инвестор ёки бирор сайёҳ шаҳар номи ва унинг маъноси ҳақида сўраб қолса, уялиб қолмайми? Бир вақтлар ҳўкмон мафкура пешволари Оҳангарон сўзини тўғри талаффуз қилолмай "Ахангарон" дея талаффуз этишган, бора-бора бу сўз "Ангрэн" ҳолига келиб қолган дейми? Фалат-ку... Сиз бунга нима дейсиз? **Мухаммадсиддиқ АЛИЖОНОВ, ёш ижодкор**



Эркин Воҳидовнинг "Сўз латофати" асарини ўқирканман, мана бу жумлалар этиборимни тортди: "Сўзни қисқартиришга жуда устамиз. Мухаммад Раҳим деган исми Мамарайим, бу ҳам узун туюлиб Марайим дейми. Хоразмлик эса Мирим дейди қўяди. Анжан, Ангрэн, Бувайда, Риштон, Хўжаландарбува... рўйхатни узок давом

сўзларига бу қадар масъулиятсизлик билан қараймиз?! Юқоридаги мисоллардан бирини олайлик. Ангрэн нима дегани? Ҳеч уялаб кўрганмисиз? Ангрэн – "Оҳангарон" сўзининг русча бузилган шакли бўлиб, "темирчилар" деган маънони англатади. Тарихий манбаларга қаралса, бу ерда аҳоли зич ва асосан темирчилик билан шуғулланувчилар яшаган. Бу номдаги энгилроғини кўтариб кетаётган йўловчига осон, сўзлар ҳам шундайми? Улар қанча қисқа бўлса, тилимизнинг айланиши шунча қўлай бўларканда? Лекин уларнинг залвори йўқу?! Нега талаффузимиздаги ўзбек

Ўки уларни бирлаштириб, бир ном остида айтиш керакми, ё бўлмаса Ангрэн шаҳрига янги, соф ўзбекча ном топсамкиин? Балки бу унчалик аҳамият касб этмас, ваҳоланки этибордан четдаги кичик хатоликлар тўғриланмаса, келгусида улкан муаммоларга олиб келади. Шунинг ҳам айтиш жоизки, тил тўғрисидаги қонунда "Географик объектларнинг номлари давлат тилида акс эттирилади", деб қайд этилган. Унда шаҳарларимиздан бирининг номи нега Ангрэн бўлиши керак? Ўзбек тили нихоятда бой-ку, наҳот лугатимизда "темирчилар" ўрнига биттагина бадий сўз топилмаса? Бу каби ҳолатларга жуда

**Долзарб**  
Хабарингиз бор, юртимизда Ҳиндистоннинг "Marion Biotech" компаниясида ишлаб чиқарилган, 2022 йилда республикамизга "Quratax Medical" МЧЖ томонидан олиб килинган "Док-1 Макс", "Амбронол" дори воситалари сабаб юзага келган нохуш ҳолатлар такрорланмаслиги учун зарурий чора-тадбирлар белгиланиб, маҳаллаларда тарғибот тадбирлари олиб боришмоқда.

Хусусан, Паркент туманида соҳа ходимлари уйма-уй юриб, "Хонадон дори қутиси"ни назоратдан ўтказиб, мuddати ўтган, сақлаш қоидалари бузилган, ай-

## БИЛАР-БИЛМАС "ДЎХТИР" ЛИК ҚИЛМАНГ!

ниқса, "Док-1 Макс" ва "Амбронол" дори воситаларини қабул қилмаслик ва истеъмолдан чиқариш бўйича зарур чораларни кўришмоқда. Мақсадимиз аҳоли саломатлигини сақлаш, – дейди туман тиббиёт бирлашмаси бош шифокори Бобур Алиев. – Бу борада бор имкониятимизни ишга соляямиз. Ўтган йилнинг сўнги ойида "Quratax Medical" МЧЖ томонидан

юртимизга келтирилган дори воситаларининг салбий оқибатлари бизни янада сергакликка чақирди. Юзага келиши мумкин бўлган кўнгилсиз ҳолатларнинг олдини олиш мақсадида тиббиёт бирлашмаси ходимлари 32 минг 392 та хонадонда бўлиб, аҳоли билан шу мавзуда суҳбатлашишди. Мазкур назорат ишларида 1 минг 221 нафар ўрта тиббий ходим иштирок этди. Текширувлар жара-



лишади. Ваҳоланки, баъзи дориларнинг фойдасидан зарари кўплигини эса касали кучайганда англаб етишади. Маҳаллаларда назорат олиб бориш жараёнида шу каби ҳолатларга гувоҳ бўляммиз. Имкон қадар фуқароларга тушунтириб, ўзлари ва яқинлари соғлиғига бефарқ бўлмастикка чақираймиз. – Олиб кўрилган тарғибот тадбирларида одамларга керакли маслаҳатлар берилмоқда, – дейди "Нуробод" маҳалла фуқаролар йиғини раиси Абдухамид Рискитбоев. – Албатта, ҳаммамиз ҳам иссиқ жонмиз, касал бўламиз. Киши дардга чалинган пайтда ҳар доим ҳам дорихонага бориб, керакли дориларни олиб келишга улгуролмаслиги мумкин. Шунинг учун

## Эшикчак гаплар

### ёки шамол тегмаган ҲАНГОМА

Яхшиси, гапни ғиж-ғиж гапга бурканиб ётган ҳўв Гаптепадан бошлайлик. Тепалик баланд эмас-у, ўзига хос салобатли. Аста-аста юриб гап ахтарсак, гап титсак бўлади. Ҳар қадамда гап, шоммай, ҳўликмай изласангиз керакли гапларни албатта учрата-сиз. Қани энг зўр, энг сара, ноёб гапларга марҳамат, гапсевар, гапчевар, гапбоз, гапхўр дўстлар! Биз, ҳақиқатан гапсевар, гапхўр, гапсотар, гапотор, гапга ботар халқимиз. Баъзан кўп гапириб, гапхўвунни тўлдирамиз, гапқудуққа чўкамиз. Ҳа, гапни жуда-жуда яхши кўрамиз. Гап билан ётиб, гап билан уйғонамиз. Тўшақлар-у кўраларни ҳам қуруқ гапга тўлдирамиз. Ҳатто, тушларимизда ҳам гапириб чиқамиз. Бошқалар киллаб, мисқоллаб гапирса, биз ботмонлаб, тонналаб гапирамиз. Шундай устомон гап чаққонлар борки, улар гапдан тоғлар яратади, боллар бунёд этади. Гап экиб, гапдан мўл-кўл ҳосил олади. Гапбонни гуллаб, гаптонни яшнатади. Сўнг чойхонада ёнбошлаб гапчоқ қиламиз. Қозонларда гапдоғ қилиб, ош гап дамлаймиз... Ош ўрнига гап ошатамиз. Фақат сужакдан эҳтиёт бўлиш керак... \*\*\* Гапга тўн кийдирадиган булбулигўлар ҳам топилади. Улар гапни шундай боппайдиларки,



рибди. Буниси кечаги гап. Лекин ҳали сўлимаган..." \*\*\* Кино гап, театр гап – ана кўринг саҳна ва экран тўла ғиж-ғиж майда гап. Адабиёт гап, телевидение, радио сийқа гап. Интернет аллақачон, беҳуда ва галамис гаплар уммонига айланган. Баъзи гаплардан мағзава ҳиди келади. Хуллас, уй гап, тўй гап, кўча гап, ишхона гап, ошхона гап, чойхона гап. Ва бошқа... хоналар ҳам тонгатор гап. Ўткинчи ва беҳуда бу гапларга қачон тўямиз?... Гапни еб бўлмаса, гап қорин тўйғазмаса. Қуруқ гап қошиқни "йиртади-ку"! Оғиздан эҳтиёт бўлинг. Шундай олов гаплар борки, эшитишинг билан куйиб кетасан, қулга айланасан, товонингдан бошлаб, сочингча ёндаири. Қулгага айланасан. Қулдириб қулдирадиган, йиғлатиб қон қиладиган зардал, заҳарли гаплар бор, қулдириб йиғлатадиган муңгли гаплар бор. Дардли, дардсиз гаплар бор. Қалбинга қаймоқдай, асалдай ёқадиган зўр гаплар бор. Юрагини тилка-пора қиладиган гўр гаплар бор. Умринг ўйларига сийлов бўладиган дур гаплар бор. Охиратингда мудом дуолар ёғдирадиган нур гаплар бор. **Ашурали ЖУРАЕВ (Давоми бўлади)**

## ҚИҲИР ИШ – КЕЛТИРАР ТАШВИШ

Тошкент вилояти Ички ишлар бош бошқармаси маълум қилишича, Ангрэн шаҳрида соҳа ходимлари томонидан ўтказилган тезкор тадбирда, фуқаро бир ярим миллион сўм қалбаки пуллари 400 минг сўмга сотаётган вақтида қўлга олинган.



## Жиноятга жазо муқаррар

Ҳолат юзасидан ўтказилган тезкор суриштирувлар давомида, бир-бирига улашиб кетган мазкур "жиноят занжирини"га алоқадор бўлган яна 4 нафар шахс процессуал тартибда ушланган. Улардан яна қиймати 1 ярим миллион сўмга тенг бўлган қалбаки 100 минг сўмлик купюралар ва рангли принтер далилий ашё сифатида ҳужжатлаштирилиб олинган. Аниқланишича, ушбу шахслар томонидан аввал ҳам 5 миллион сўмга тенг бўлган қалбаки пул купюралари чоп этилган. Ҳозирда ҳолат юзасидан Жиноят кодексининг 176-моддаси, 2-қисми билан жиноят иши қўзғатилиб, тергов ҳаракатлари олиб боришмоқда. (Мақоладаги барча исм-фамилиялар ўзгартирилган, ухшашликлар масодиф)

## 3 йилда ФОШ ЭТИЛГАН ҚОТИЛЛИК

да Ўзбекистон Республикаси ЖПКнинг 364-моддаси 1-қисми 1-бандига қўра, жиноятчининг шахси аниқланмагани учун ҳаракатдан тўхтатилган.) Қўрай тумани ИИБ архивда сақлаб келинаётган ушбу мудҳиш жиноят иши вилоят ИИБ тезкор ходимларининг диққатини тортди. Синчиклаб ўрганиш жараёнида марҳум Дилшоднинг жасади сув бўйида кийимлари қуруқ ва тан жароҳатсиз топилгани ҳодимларда шубҳа уйғотди. Дастлаб, қотиллиқни содир этганликда гумонланувчи бир нечта шахс текширилди. Ана шундай текширувлардан бирида марҳумнинг таниши бўлган шахснинг безовталиги ходимларни сергаклантирди. Урганишлардан маълум бўлишича, қотил-

ликда гумонланувчи шахс – Аббор аввал ҳам талончилик, босқинчилик ва ўғрилик жиноятларини содир этгани учун умрининг ярмини қамоқда ўтказган экан. "Буқрини гўр тузатади", дея мақол айнан Абборга ўхшаганларга айтилган бўлса, не ажаб. Маълум бўлишича, ўшанда Аббор ўзининг яқин таниши бўлган Дилшоднинг уйига меҳмонга келиб, у билан спиртли ичимлик ичади. Ёзнинг жазирама кунлари бўлгани сабаб улар марказий сув ариғига боришганда иккиси ўртасида жанжал чиқади. Мастлик таъсирида бўлган Аббор Дилшоднинг бўйига мушт билан уриб, ҳушидан кетказди ва воқеа жойидан қўйиб бўлади. Дилшод эса ерга юз томони билан ётиб қолгани оқибатида нафас етишмаслигидан вафот этади. Ҳа, ҳеч бир жиноят жазосиз қолмайди. 2019 йилда содир этилган қотиллик, нихоят 2022 йилда фош этилиб, жиноятчи Тошкент вилояти Бўстонлиқ тумани судида ҳўкми қўйилди. Судланувчи Ўзбекистон Республикаси Жиноят кодексининг 104-моддаси 3-қисми "в, д" бандларида назарда тутилган жиноятни содир этганликда айбдор деб топилди ва шу модда билан унга Ўзбекистон Республикаси ЖКнинг 57-моддасини қўллаб, олти йил мuddатга озодликдан маҳрум қилиш жазоси тайинланди. **Азиз ҲАМДАМОВ, Тошкент вилояти ИИББ ходими, подполковник**

## Эълон Тadbirkorлик субъектлари ДИҚҚАТИГА!

Кичик корхона ва микрофирмалар томонидан 2022 йил учун 1-kb shakli (йиллик) ҳамда фермер хўжалиқлари томонидан 1-fx shakli йиллик статистика ҳисоботларини eStat-4.0 (hisobot.stat.uz) ахборот тизими орқали 2023 йилнинг 27 февралдан кечиктирмай электрон кўринишда тақдим этиш белгиланган. Шу муносабат билан, 1-kb ва 1-fx shakli йиллик ҳисоботларини ўз вақтида тақдим этишингизни сўраймиз. Маълумот учун телефонлар: 71 203-45-00 (ички код-1), 71 202-86-77, 71 202-86-69 **Тошкент вилояти статистика бошқармаси**

Алишер Навоий таваллудининг 582 йиллигига

Асарда 696-шайх сифатида келган Бобо Кўкий қуддиси сирруху (унинг сири муқаддас қилинсин) ҳақидаги маълумотлар айнан муаллифнинг отаси бошидан кечирган воқеа тафсилоти воситасида баён қилинади. Аввал матнинг ўзини мураккаб сўз ва тушунчаларни қавсда изоҳлаган ҳолда келтирайлик:

“Бобо Кўкий ҳам мажзуб (Аллоҳдан жазба теккан) эрди. Бу фақирнинг (яъни Навоийнинг) отасининг фақр (тасаввуф) аҳлига кўп иродату (муридлик) ихлоси бор эрди. Андоқ нақл қилурлар эрдик: “Замон подшоҳи ҳукми билан бир иш учун Астроход вилоятига борур эрдим. Йўлда бир мажнунсифат мажзуб йиғит йўлқудди. Андоқки, иродат (муридлар) аҳлининг одатидур, ниёз билан бир дерам анга тутта бердим, олмади ва мен бир курта жубба (яктаксимон узун кўйлак) кийиб эрдим, деди: “Курта жуббани олурам (оламан)”. Ҳаво совоқ эрди. Мен ани шайдо зарқла ҳамл қилиб (ҳийла-найранг қиялпти, деб ўйлаб), отни суруб ўттум.

Манзилга етганди, Бобо Кўкий мени кўргач, яна дедики: “Курта жуббани олурам”. То неча кундин сўнараким, Астроход даҳанасидин (дарвозасидан) кирдук, бир дарвеш яланг (юпун) эрди. Ул курта жуббани ул дарвешга бердим.

Бир лаҳзидин сўнара ҳамул (ўша, олдин учраган) йиғит етишти ва (Давоми. Бошланғичи 1-саҳифада)

менга боқиб, дедики: “Курта жуббани олдим”.

Бори (бирдан) бу сўздин менга ҳайрат ва таажжуб юзланди.

Астроходда хийла вақт бўлди.

Ҳирот шаҳридин Бобо Кўкий овозаси келур эрдик, ажаб мажзубе пайдо бўлубдур. Мен Ҳиройга (Ҳиротга) келгандин сўнара бордимки, анга мушарраф бўлгаймен. Кўрдум, ҳамул

бир-бирига қарама-қарши келиб қолиб, ўртада катта баҳс-мунозара, тортишув-муқояшалар ҳам бўлиб ўтган. Атоқли шарқшунос, устоз Нажмиддин Комилов “Тасаввуф” деб номланган 1-китобларида (Тошкент: “Ёзувчи” нашриёти, 1996) тасаввуфдаги ана шундай бир-бирига зид икки йўлни ўзаро қийслайдилар. Бу – Боязид Бистомий илгари сурган “сукра” (мастлик) йўли билан Жунай

Англашиладики, Бобо Кўкий сукра йўлидаги шайх бўлган.

Иккинчидан, Навоийнинг отаси – Амир Ғиёсиддин Кичкина тасаввуф аҳлига муридлик ва ихлос билан муносабатда бўлган.

Учинчидан, Навоийнинг отаси, аввало, ўзининг совқотишини ўйлаб, қолаверса, дарвешни “хийлакор”, “риёкор” деб гумон қилиб, у сўраган кийимни ечиб беришни лозим топ-

бундан ҳайрат ва таажжубга тушади.

Бешинчидан, бу гапи билан ҳақиқат дарвеш тасаввуф аҳлини бир киши янглиг тасаввуф қилганини билдирган. Сўфий киши учун ўзи олди нима, ўзига ўхшаган бир биродари олди нима – барибир эмасми?

Олтинчидан, Ғиёсиддин Кичкина Астроходда анча вақт қолиб кетади. Шу орада, Ҳирот шаҳрида Бобо Кўкий отли ажаб бир мажзуб пайдо бўлибди, у фалон-фалон экан, деган овозлар тарқалади. Тасаввуф аҳлига иродату ихлоси бор эмасми, Навоийнинг отаси Ҳиротга қайтганидан кейин Бобо Кўкийнинг зиёратига боради. Қараса, у ўша – йўлда ундан жубба сўраган йиғит экан. “Кўрдум, ҳамул йиғит эрдик, Астроход йўлида бизнинг билан ҳамроҳ эрди”, – дейишда бу шайх сафарда руҳан Навоийнинг отасини бало-қазолардан муҳофаза қилиб борганига ишора ҳам йўқ эмас.

Еттинчидан, бу шайхнинг қабри Ҳирот шаҳрининг Хиёбон деган қабристонда.

Навоий отасининг сўзларига суяниб туриб, амалда Бобо Кўкийнинг кароматини баён қилади.

Бу маълумотларда Навоийнинг отаси қандай киши бўлгани ҳақида ҳам муайян тасавуурларга келиши мумкин. Улуғ шоирнинг тасаввуфга мойиллиги замани ҳам отасига бориб тақалиши аён бўлади.

Булар Навоийнинг отаси ҳақида ўзи ёзган биргина маълумот, холос. Шоир меросида бундай маълумотлар яна бор.

Султонмурод ОЛИМ, Ўзбекистонда хизмат кўрсатган маданият ходими



НАВОИЙНИНГ ОТАСИ

(ўша) йиғит эрдик, Астроход йўлида бизнинг билан йўлдош эрдик.

Қабри Ҳирой шаҳри хиёбонидадур.

Мазкур матни ўқиб, ақл-фаросат билан англаб етиш мумкинки, бу ерда муаллиф бир неча масалага оидинлик киритиб кетган.

Биринчидан, Бобо Кўкий – мажзуб шайхлардан эди. Буни тўла тушуниб олиш учун гапни узокроқдан бошлашга тўғри келади.

Тасаввуф исломнинг олий амалий таълимоти эди. Лекин бу таълимот ичра қанчадан-қанча оқим, йўналиш, сулуқ, тариқат бор. Айримлари

Бағдодий тиш-тирноғи билан ҳимоя қилган “саҳв” (хушёрлик) йўналиши. Зимдан кейинчалик хожалар-нақшбандияда қатъий амал қилиниб, ривожлантирилган “саҳв” йўлининг устунликларини исботлайдилар ҳам: “Аммо Жунайид Бағдодий Боязидни танқид қилиб, “сукра” йўли фақат солиқнинг ўзига нажот келтиради, суқрага кирган одамнинг ўзгаларга нафъи темайди, ҳолбуки, мақсад фақат ўзининг маърифатига етказиш эмас, балки бу маърифатдан бошқаларни ҳам баҳраманд эттиришидур, дейди. Шундай экан, беҳудлик даражасидан кейин илоҳий маърифатга қалб тўлишиб, қайта хушёр тортеган ориф улғурқодир” (45-бет).

май, отини суриб кетади. Аммо манзилга етганлариди яна ўша дарвеш уни учрати: “Курта жуббангни, барибир, оламан”, – дейди.

Тўртинчидан, бир неча кундан кейин Ғиёсиддин Кичкина Астроходга кириб борганида унга бир эғида кийими йўқ дарвеш дуч келади. Динимизда, хусусан, тасаввуфда, бутун мол-мулк Аллоҳники, бор нарсангни ўзиндан кўра муҳтожроқ одамга бер, деган ғоя мавжуд. Шунга амал қилиб, Навоийнинг отаси жуббасини ечиб, ана шу ўзига қараганда юпунроқ дарвешга беради. Шунда кутилмаганда, ҳатто, бир лаҳзада ҳалиги ундан йўлда жубба сўраган дарвеш пайдо бўлиб: “Курта жуббани, барибир, олдим-ку”, – дейди. Ғиёсиддин Кичкина



TOSHKENT HAQIQATI TASHKENTSKAYA PRAVDA



“Toshkent haqiqati” va “Tashkentskaya pravda” gazetalarini tahrir hay'ati:

- Zoyir MIRZAYEV (tahrir hay'ati raisi)
Ummat MIRZAQULOV
Hotamjon SAYDAHMEDOV
G'afurjon MUHAMEDOV
Shavkatjon RAHIMOV
Tohir ARIPOV
Ravshan RAIMOV
Mahmud TOIR
Uskenboy ATEMOV
Abdulla XURSANOV
Mahmudjon BOLTABOYEV
Zarifa ERALIYEVA
Sergey MUTIN
Bosh muharrir: G'ayrat SHERALIYEV
Qabulxonasi: (71) 233-64-95
Bosh muharrir o'rinbosari: (71) 233-70-10
Mas'ul kotib: (71) 233-90-82
Bo'lim muharrirlari: (71) 233-38-23, (71) 233-48-08
E'lonlar va hisob-kitob bo'limi: (71) 233-54-10
e-mail: toshkenthqiqati@uamail.uz
Navbatchi muharrir: Kumush EGAMBERDIYEVA
Mas'ul kotib: Alloma AZIZOVA
Navbatchi: Javlon HALILOV
Bosishga topshirish vaqti - 21.00.
Bosishga topshirildi - 20.30
Nashr ko'rsatkichi - 205.
Buyurtma G-231.
Hajmi - 2 taqob. Ofset usulida bosildi. Qog'oz bichimi A-2.
Bahosi kelishilgan narxda.
Toshkent viloyati Axborot va ommaviy kommunikatsiyalar boshqarmasida
2011-yil 12-yanvarda
03-001 raqami bilan ro'yxatga olingan.
Manzilibiz: 11500, Nurafshon shahri, Toshkent yo'li ko'chasi, 90.
Toshkent shahridagi ofsimiz: 100000, Matbuotchilar ko'chasi, 32.
ISSN 2010-9318.
Gazeta «Toshkent haqiqati» tahririyati kompyuter markazida terildi va Tohir Mahmudxo'jayev tomonidan sahifalandi.
Haftaning chorshanba va shanba kunlari chiqadi.
«SHARQ» nashriyot-matbaa aksiyadorlik kompaniyasi bosmaxonasida bosildi.
Korxonasi manzili: Toshkent shahri, Buyuk Turon ko'chasi, 41-uy.
123456

Kurgazma
YRIM ASR SARXISOBI
[Image of an exhibition gallery]

Ўзбекистон Бадий академиясининг Марказий кўرғазмалар залида рангтаърихчи рассом, педагог, санъат устаси Маҳмуд Аҳмедовнинг 85 йиллик юбилеи ҳамда ижодий фаолиятининг 55 йиллигига бағишланган кўрғазма очилди.
Рассом, асосан, табиат манзаралари ва натюрморт жанрларида ижод қилган.
Кўрғазмага унинг “Баҳор элчилари”, “Куз симфонияси”, “Олтин куз”, “Куз фаслининг илк кунлари”, “Қиш тонги”, “Ҳосилдорлик”, “Сўқоқнинг оддий кунлари”, “Чирчиқ дарёсида чўмилмоқдалар”, “Сўқоқ мадоннаси” каби кўплаб ижод намуналари кўйилган.
М. Аҳмедов ўз асарлари билан республика ва хорижий мамлакатларда ташкил этилган кўплаб кўрғазмаларда қатнашган. Шунингдек, рассомнинг маҳобатли бадий асарлари республикамизнинг бир қатор йирик иншоотларини беэза турибди.
М. Аҳмедов П. Беньков номидаги республика билим юрти, Тошкент театр ва рассомлик институтини тасмоллаган. Қарийб 40 йил давомида республика махсус мусиқа ва санъат мактаб-интернатига педагогик фаолияти билан шуғулланган.
Ҳасан АБДУНАЗАРОВ

Darvoqe
Barg bir yenu
Dard bir en
[Image of a woman holding a plant]
Бугунги кунда стресс, депрессия жуда кўп учрайдиган муаммага айланмоқда. Пандемия даврида инсонлардаги стресс сабаблари ва ечимларини ўрганган мутахассисларнинг фикрига кўра, ўсимликлар ва табиат билан алоқада бўлиш руҳий саломатлиқни яхшилайдди.
Тадқиқотлар шуни кўрсатдики, турли хил ўсимликлар ва ҳатто хона ўсимликларини парвариш қилиш организмда стресс вақтида фаоллашадиган симпатик нерв тизими фаолиятини суяйтиради ва қон босимини пасайтиради.
Айниқса, кекса ёшдаги инсонлар уйда кичик боғ ташкил қилиши ёки хона ўсимликлари ўстириш билан шуғулланишлари руҳий саломатлиқни сақлаш, яхшилашда самарали таъсир кўрсатади.
Аҳаджон АБДУХАЛИЛОВ

Ox, mani Vatanim bu...
Yurakka qadalgan bayroq!
[Image of a girl holding the Uzbek flag]
бўлиб, қайта тахлаб жойига солдим. Хотиржам тортиб, ўрнимга ўтирдим.
– Худога шукр, жойида экан, – мактандин Жаҳонгирга.
Самолёт ҳавога кўтарилганидан икки соатлар ўтиб, биздан икки ўриндиқ олдинда ўтирган, ёши эллиқлардан ошган бир аёл олдимга келди.
– Ука, кечирасиз, боя байроғингизга кўзим тушганди, – деди у ғалати жилмайиб. – Агар сизга жуда зарур бўлмаса, шу байроқни менга беролмайсизми? Қизим Америкада университетни тамомлапти. Битирув кечасига кетялман. Айтган ҳамма нарсасини олибману байроқ эсимдан чиқпти. Роса тайинлаганди-да. Диплом топширишда ҳамма талабалар саҳнага ўз давлати -
ман-да... Хоҳласангиз, байроқни менга сотинг. Икки баробар ҳақ тўлайман. Қанчага олгандингиз ўзи?
– Икки нарсасотилмайди: виждон билан байроқ, – дедим жилмайиб.
– Унда шундоқ беринг.
– Совга учун олинган бу, опа. Узр, беролмайман, хафа бўлмайсиз.
Опа маҳзун жилмайганча ўз жойига қайтди. Самолёт Нью-Йоркка қўниб, паспорт назоратида турибмиз. Опанинг икки кўзи менда. Буни сезиб турганим учун ҳам ноқулай бўлавердим. Бўлмади, ўз навбатимни ташлаб, бошқа қаторга бориб навбатга турдим.
Энди юқларимиз чиқшини кўтиб турибмиз. Мендан сал нарида ўша аёл. Билиялман, мендан кўзини узмаяпти. Бу чемодан дегани ҳам ҳадеганда чиқавермайди. На меникидан, на опаникидан дарак бор.
Ниҳоят, менинг юким кўриниш берди. Чемоданимга кўзим тушиши билан унга яқинроқ жойга бориб туриш учун шошдим. Юкни олиб, ўзимни ташқарига урдим. Аммо ортимдан келаётган ўша таниш овоз тўхташга мажбур қилди.
– Ука! Ҳой, ука! Тўхтанг! Ука... ука... Тўхтасангиз-чи!
– Мана, тўхтадим! Нима дейсиз?! Байроқни беролмайман. Тушунайсизми? У – меники!
Опанинг кўзига ёш тўлиб, ранги оқариб кетди.
– Нега сизники бўларкан? Байроқ Ўзбекистонники! Ҳамманинг байроғи бу!
У алам билан шундай деди-да юқлар чиқадиган томонга қараб кета бошлади. Мен эса нима дейишимни билмай турган жойимда ҳайкалдек қотиб қолдим.
Ортга қайтиб опани қидириб топдим. Чемодани эндигина чиққан экан. Байроқни олиб унга узатдим.
– Олинг, опа...
Опа байроқни дарров олмади.
– Совгага олдим дегандингиз-ку...
– Қизингизга кўпроқ керак у. Ҳамма талабалар байроқларига ўраниб саҳнага чиқсалар-у, ўзбекистонлик киз байроқсиз чиқадими? Олинг.
Жаҳонгир АҲМЕДОВ, кинорежиссёр

Vaxifaga
siznagan satrlar
[Image of a scroll]
■ Ҳасаддан бошқа дардга даво топилади. Лекин ҳасадгўйга, ҳатто илоннинг захри ҳам қор қилмаса керак.
■ Кўзингизга тик қараб ёлғон гапирган одамнинг аслида қиёфаси бўлмайдди.
■ Енгилтак, ҳовлиқма ва фикри саёз одамлар шарга ўхшайди. Арзизмаган тасодиф билан ёрилиб кетади.
■ Итнинг ваҳожати ва мақсадини хуришдан билса бўлади.
■ Ҳақиқатни айтишдан кўрсанг, гапирма. Гапирдингми, унда ҳақиқатни айт!
■ Ҳар қандай бахтли оила эгаларининг бахт либосларида ҳам жиндай ямоғи бўлади.
■ Қамтаринлик кийим эмаски, уни кўз-кўз қилиб мактанаск.
■ Ҳаётда ҳаммаша наҳишат бозори гавжум. Фақат харидор танқис.
А. ЖҲРАЕВ